

Stworjenje swěta

Hač z přećelemi, swójbnyimi, na dowolowym městnje abo doma na zahrodže – pytaće hišće zabawu za lětnje prózdniny, narodniny abo k drugej přiležnosći? Potom zahrajće sej tola raz kóstkowu hru, kotruž na přenjej stronje namakaće. W njej móžeće so zabawjejo ze

stworjenjom swěta zaběrać. Na někotrych polach su małe nadawki schowane, abo tam něšto zajimawe zho- niće. Štóž na nje přińdže, namaka k tomu tule wotpo- wědne wujasnjenja. Tuž: mužika za hraće a kóstku do ruki – a zabawje zdar!
Wjele wjesela!

4 Na přenim dnju Bóh rjekny: „Budź swětło“. Kak mjenowaše wón swětło a kak pomjenowa wón čmu?

Při prawej wotmołwje skoč dvě poli dale; při wopačnej wostań stejo.

9 W serbsčinje maš za němske słowo „Himmel“ dvě zapřijeći: *njebjo* a *njebjesa*. *Njebjo* je geografiske městno abo atmosfera z hwězdami, slón- com a měsáčkom, kotrež su – z perspektiwy čłowjeka widžane – nad nim. *Njebjesa* su městno, hdžež je Bóh a hdžež chcemy z nim doskónč- nje žiwi być.

Wostań na swojim polu stejo, doniž njesu će wšitcy twoji sobuhrajerjo přescahnyli. Sy-li posledni, njetrjebaš čakać.

15 Što stwori Bóh třeci džen? Pokiw: Z něčeho z toho je něhdže 71 procentow zemskeho powjercha pokryte.

Při prawej wotmołwje kóstkuj hišće raz a skoč telko polow dale, kelkož dypkow kóstka pokazuje; při wopačnej abo jeli ju njewěš skoč tři pola wróco.

21 Kak rozeznawa so nócne njebjo wot njebja, kotrež wodnjo widžiš? Powědaj swojim sobuhrajerjam, što móžeš w nocy widžeć a što so wodnjo swěći. ___
Kóstkujće wšitcy hišće raz a skočće telko polow dale, kaž kóžda kóstka pokazuje.

26 Stań, stup won do přirody a nastaj wuši: Kelko wšelakich zwukow slyšiš?

Kelkož zwukow w jednej mjeńšinje slyšiš a tamnym wo tym powědaš, telko polow směš dopředka skočić. Jeli ničo njeslyšiš, wostań stejo.

33 Na zemi je po trochowanjach wjace hač wosom miliardow ludži žiwych. Kóž- du mjeńšinu je jich wokoło 150 wjace. Tak sej jednoho ze sobuhrajerjow dokła- dnje wobhladaj a praj, kotru barbu maja jeho włosy, jeho woći a jeho koža.
Skoč tři pola dale.

37 Bóh stwori zemju w sydom dnjach. Na sedmym dnju wón wot wšeho wotpočowaše a jón zohnowaše. Tónle džen je za nas njedžela. Tež ty směš wotpočować.
Skoč do cila. Tam směš wotpočować.